



Ilaqtariinnut Peqqissutsimullu Ataatsimiititaliaq
Inatsisartut

15-05-2023
Sags nr. 2023 - 10524
Akt. id. 22999641

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Utoqqalinersialinnut pilersuisussaaitaanerup atorunnaarsinneqarnissaa pillugu immikkoortut UPA2023/64 aamma UPA2023/120 ataatsimiititaliamit suliarineqarnerannut atatillugu Ilaqtariinnermut Peqqissutsimullu Ataatsimiititaliamit marlunngornermi ulloq 16. maj 2023 ataatsimiinnissaq sioqqullugu apeqqutit nassiunneqartut akissutaat

Ilaqtariinnermut Peqqissutsimullu Ataatsimiititaliap marlunngornermi ulloq 16. maj 2023 siunersiuinissamut aggeqqusivoq tassungalu atatillugu apeqqutit akissassanngorlugit nassiullugit. Apeqqutit nassiunneqartut akissutaat uingasumik allataapput.

1. Siullermeerinninnermi allannguutissatut siunnersuummik ataani allassimasumik Naalakkersuisoq saqqummiussaqqarpoq:

"Utoqqalinersiaqarneq pillugu inatsisip allannguutissatut siunnersuummik Naalakkersuisut saqqummiussinissaannik peqquneqassasut, taamaalilluni inooqataasup isertitai tunngavigalugit nalimmassaasarneq atorunnaarsillugu. Siunnersuut kingusinnerpaamik UPA2024-mut saqqummiunneqassaaq".

Allannguutissatut siunnersuummi § 5-p kisimi atorunnaarsinneqarneranik kinguneqassanersoq nassuiaatigineqassasoq Naalakkersuisoq qinnuigineqarpoq?

Akissut:

Utoqqalinersiaqarneq pillugu Inatsisartut inatsisaannik aamma siusinaartumik pensionisiat pillugit Inatsisartut inatsisaannik allannguinnissamut missingiummik suliaqarneq aallartereerpoq, ilaatigut utoqqalinersialinnut utoqqalinersiat tapiinik naatsorsuinnermut atatillugu pilersuisussaaitaaneq atorunnaarsinneqassalluni.

Missingiummi utoqqalinersiaqarneq pillugu Inatsisartut inatsisaannik imatut allannguisoqassaaq:

§ 5 atatiinnarneqassaaq taamaallaallu § 5, imm. 2, utoqqalinersiat tapiinik aapparisaq isertitai tunngavigalugit annikillitortitsinnermik nalimmassaaneq atorunnaarsinneqartussaalluni.



§ 5-ip atatiinnarnissaanut kissaateqarnermut tunngaviuvoq, § 24, imm. 4, malillugu utoqqalinersiallip toqukkut qimagunnerani aappaasumut utoqqalinersiat qaammammi toqukkut qimaguffiusup naaneraniit qaammatit marluk tunniunneqarsinnaammata.

§ 5, imm. 2-p atorunnaarsinneqarnerata saniatigut ilanngullugu pisariaqarpoq Inatsisartut inatsisaanni § 10-mik aamma § 13-imik malitsigisaanik allannguisoqarnissaq, taamaalilluni utoqqalinersiat tapiinik naatsorsuineri aapparisaq isertitaanut innersuussinerit peerneqarlutik.

2. § 5-p atorunnaarsinneqarnerata inatsisinut malittarisassanullu allanut kinguneqassava?

Akissut:

Utoqqalinersialinnut siusinaartumillu pensionisialinnut pilersuisussaataanerup atorunnaarsinneqarnerata kingunerissavaa inoqutigii isertitaqarnerulernerat, taamaattumik siunnersuutip kingunerisinaavaa, utoqqalinersiallit ilaasa ineqarnermut tapiissutinik ikinnerusunik tunineqartalernerat.

Tamannali utoqqalinersiaqartut utoqqalinersiaqanngitsumik aappaqartunut, aamma aappariit isertitaat katillugit utoqqalinersiat saniatigut 300.000 kr-it qaangerneqarpata, kisimi kalluaassaaq.

Taamaalilluni utoqqalinersialinnut aappariinnut appasinnerpaamik isertitaqartunut siunnersuut ineqarnermut tapiissutinut tunngatillugu sunniuteqassanngilaq.

Taamaattoq siunnersuutip aningaasaqarnikkut kingunerisassai pillugit sulii suliarineqarput taamaattumillu inaarutaasumik kisitsisit sulii pigineqarnatik.

Aningaasaqarnikkut allaffissornikkullu kingunerisassat matumani ilanngullugu kommunit sullissinerinut allaffissornerinullu qanoq kinguneqassanersoq nassuiaatiginissaat Naalakkersuisut qinnuigineqarput?

Akissut:

Siunnersuutip aningaasaqarnikkut kingunerisassai pillugit sulii suliarineqarput taamaattumillu inaarutaasumik kisitsisit sulii pigineqarnatik.

Aningaasaqarnikkut kingunerisassai

Naatsorsuinerit siullit takutippaat, utoqqalinersialinnut utoqqalinersianut tapiinik naatsorsuineri pilersuisussaataanerup atorunnaarsinneqarnera ukiumut 8,2 mio. kr-inik annertussuseqassasoq.

Siusinaartumik pensionisialinnut pilersuisussaataanerup atorunnaarsinneqarnera ukiumut 8,7 mio. kr-it miss. akeqassasoq naatsorsorneqarpoq.

Utoqqalinersialinnut pensionisialinnullu pilersuisussaataanerup atorunnaarsinneqarnissaa pillugu siunnersuummi suliarineqartumi Nunatta Karsianut ukiumut aningaasartuutit katillugit 16,9 mio. kr-it miss. akeqassaaq.

Allaffissornikkut kingunerisassai

Utoqqalinersialinnut utoqqalinersianik tapiinik naatsorsuineq pisariinnerulersissavaa, kommunit tamanna isumalluutitigut sipaarutaanissaa naatsorsuutigisariaqarluni. Siunnersuut pissutigalugu kommunit qanoq annertutigisumik isumalluutininik sipaaruteqassanersut maannakkut naatsorsuutininik soqanngilaq.

Inussiarnersumik inuulluaqqusillunga

Isumaginninnermut, Suliffeqarnermut, Nunamullu Namminermut Naalakkersuisoqarfik
Departement for Sociale Anliggender, Arbejdsmarked og Indenrigsanliggender



Jess Svane

NAALAKKERSUISUT
GOVERNMENT OF GREENLAND

